

Ex Practicâ Philosophiâ
de

Jure atque Æquitate,

Duce Deo & Præfide

M. MICHAELE WENDELERO,

Facult. Philoſ. Adjuncto,

JOHANNES Schneidewein Cygnéus

publicè diſputabit

ad diem 15. Decemb. horis antemeridianis

In Auditorio minori.

WITTEBERGÆ,

Typis Johannis Röhneri Acad. Typogr,

Anno M DC XXXVIII.



Eschschol Philoſophia

ſine ordine & quare;

ſine ordine & quare;

M. MICHAEL WANDERLERO,

ſine ordine & quare;

JOHANNES WANDERLERO

ſine ordine & quare;

ſine ordine & quare;

ſine ordine & quare;

The Johanniskirche, Stadt, Tyrol,

ſine ordine & quare;

Continuatio.

Justitiam excipit Jus, quo nil majus inter homines: nil divini, si salutariter & ex usu publico administratur: nil magis arduum, quam ab uno viro tot capita coerceri, & universam Reipub: turbam sub commune obedientia jugum leniter redigi. Hujus tractationem una cum Aequitate, legitimo juris laxamento, hac vice suscipimus. Duo ergo membra, quorum alterum de Jure alterumq; de Aequitate agit, Duce Jehovah, constituimus.

Membrum Primum

de

JURE.

Præcepta.

1. Jus est justa actio & justum factum à justitiâ proficiscens.
2. Dividitur in Politicum & Oeconomicum.
3. Politicum est, quod ab illis, qui liberi sunt & æquales societateque quâdam inter se devincti, ad rerum necessariarum suppeditationem colitur.
4. Hoc rursus dividitur in naturale & legitimum.
5. Jus naturale, quod suam auctoritatem habet ex naturâ, eandemque vim & potestatem ubique gentium obrinet.
6. Jus legitimum est, quod suam auctoritatem habet ex hominum instituto, quodq; ante constitutionem neminem, post constitutionem omnes, quibus latum est, obligat.
7. Jus Oeconomicum est, quod in societate domestica ad generis propagationem & familiæ sustentationem observatur.
8. Oppositum est Injuria.
9. Injuria est injusta actio & injustum factum.

Explicationes.

1. §. Jus deducitur à justitiâ, tanquam effectus à causâ, non secundum denominationem Grammaticam, sed Logicam. Grammaticis non incommodè derivatur à jubendâ, vel à jussu. Hinc olim jussa, quæ nunc jura, vocabantur. Quidam à juvando, quod juvare, derivant.

2. §. Sumitur hæc pro legis præscripto; quod in mutua societatis usu recta præscribit ratio. Ejus Synonyma sunt, fas, lex, iustum, justè factum. Nota hæc propriè accepta Synonyma non esse. Nam jus in propria significatione est præceptum ex lege, seu ratione, tanquam effectum ex sua causâ ortum. Equum verò pro ejus Synonymo non posse haberi sequens monstrabit membrum. Fas propriè dicitur de eo, quod lege divinâ permittitur. Lex strictè sumpta est ratio nostra, quatenus iusta & honestè præcipit. Hinc dicitur naturalis ratio, naturale jus, regula, & norma juris. Communiùs hæc voce non tantum lex naturæ, sed omnis scientiæ ob affinitatem, quâ legislator aliquid decernit, exprimitur. Iustum nominatur legis contentum. Iustum enim duo involvit, iussum h. e. actum rationis (tam interioris, qui est voluntatis, quam exterioris, qui scripturæ & altæ rationis significatur) & rem iussam, quæ dicitur iusta ob qualitatem illam, quam vel à jussu vel à solâ juris ratione assumit. Denique justè factum, est effectio illius, quod in lege imperatum erat.

3. Unico verbo: *Lex, hoc est, ratio jubet datam fidem servare. Alius rationis, (fidem servare) jus est: observatio fidei, qua est res iusta, & appellatur iustum: tandem iusti in lege consenti in actum productio, justè factum nuncupatur.*

4. §. Definitio non indiget uberiore declaratione. Quoad divisionem, sciendum Politicum dici jus simpliciter, Oeconomicum per quandam similitudinem. Nam jus Oeconomicum aliquid simile alit cum Jure Politico.

5. §. Jus naturale dicitur, quia à naturâ & non à consuetudine proficiscitur. Audit & Universale, quia ad omnes homines pertinet: idem Primum, quia hoc jus fuit, antequam essent leges scriptæ: Ab Apostolo appellatur *Veritas rei, paterfamilias Dei, & opus legis scriptum in cordibus.*

6. §. Causa efficiens juris naturalis, sunt notitiæ principiorum, practicorum & conclusionum communium, inde extructarum. Principia practica sunt propositiones universales per se notæ, & indemonstrabiles, ex quibus Conclusiones deducuntur. Cujusmodi appellantur sequentia: *Honestè vivendum: Turpe fugiendum: Parentes honorandi: Fides servanda: Summè cuiq; tribuendum: Nemo letendus: Veritas colenda: Quod tibi non vis fieri, alteri ne feceris: Quicquid sine detrimento commodari potest, id tribuatur cuiq; peregrino monstrare viam &c.*

7. §. Conclusiones communes sunt, quas naturalis ratio ex principis conficit. Ita ex principio (*Iustitia est colenda*) concludimus, non esse furandum, non occidendum, non seortandum, nihilque, quo quisquam lædi possit, faciendum. Ex principio (*æqualitas est servanda*) colligimus, poenam debere delicto respondere. Ex principio (*Deus est colendus*) fit collectio, hominem à cultu divino non advocantem non esse audiendum.

8. §. Huic juri tres assignantur proprietates: Ubique & apud omnes homines eandem vim habere, ideoque etiam esse immutabilem, & que abrogari posse. Nam lex hæc diffusa est in omnes, est sempiterna, à qua homines neque per se statum, neque per populum possunt solvi & liberari. 2. Ducere originem non ex hominum instituto, neque niti eorundem opinione, sed auctoritatem ex semetipso habere ob Deum, qui hominum mentibus id inspiravit. 3. Ad honestatem refertur. Nam est lumen mentis nobiscum natum, quo ex nobis principia practica absque accidente aliquâ doctrinâ intelligimus, ac hujus adminiculo verum à falso ac bonum à malo discernere valemus.

9. §. Hujus loci est *Jus gentium*, quo omnes homines ex communicatione utuntur. Ex jure gentium est, quod legati non sint violandi, quod bona naufragorum non sint prædæ exponenda. Plura alia ex jure gentium introducta de bellis, de fœderibus, de contractibus, de emtione, venditione, locatione, conductione. Quæ omnia Jurisperitis relinquimus.

10. §. Collarium hinc emergit tale: *Jus naturale & Jus gentium differre causâ efficiente, subjecto atq; origine.* Jus naturale natura, gentium docuit recta ratio. Naturale ad omnia animarum

lia, gentium pertinet ad omnes homines. Naturale coepit in crea-
tione, gentium ab hominibus ob quandam necessitatem est intro-
ductam.

11. §. Jus legitimum etiam appellatur *Humanum*, ut & *Positi-
vum*, quia ab hominibus positum & constitutum fuit. Dicitur
scriptum, item *Legale*, quia legibus describitur & sancitur. Hoc
est illud jus, quod Jurisperiti vocant civile, quod quisque populus
sibi constituit. Per populum intelligitur non hæc vel illa civitas in
particulari, sed civitas in genere, hoc est populus, qui in eadem
societate versatur, iisdemque legibus à superiori sancitis utitur,
seusit Romanus, seu Hispanicus, seu Germanus. Nam jus civile
ab unaquaque civitate generaliter considerari de nominatur.

12. §. Proprietates hujus tres sunt: 1. Suam originem atque
autoritatem debere hominibus, qui illud adducti probabili ratio-
ne, sive ex naturæ jure, sive ex aliquâ circumstantiâ delumta com-
muni consensu constituerunt. Ergo pro ratione personarum,
locorum, temporum aliarumque circumstantiarum mutari potest.
2. Ante constitutionem nullam habere vim obligandi hominem,
sed esse indifferentem: post confirmationem sub poenâ transgressio-
nis obligare omnes, quibus latum est. 3. Præsupponere honesta-
tem, quam habet ex jure naturali, ac præcipue referri ad eorum,
quibus fertur, utilitatem.

13. §. Ex his Corollarium refultat sequens: *Jus naturale & legiti-
mum differre efficiente, notitiâ, efficacia & sine.* Naturale causam
necessariam Deum, naturæ auctorem, Legitimum agnoscit homi-
næ arbitrium. Hinc illud *divinum*, hoc dicitur *humanum*. Ergo
& illud hoc præstantius. Naturale ab omnibus sanæ rationis ho-
minibus intelligitur: Legitimum solum à viris prudentibus. Na-
turale ubique est idem constans & immutabile: Legitimum obli-
gantium, quibus est latum, inconstans & mutabile. Naturale
spectat tantum honestatem: Legitimum hanc præsupponit atque
eorum, quibus sancitum fuit, utilitatem adfectat.

14. §. Dividitur in *scriptum & non scriptum*, in *universale &
particulare*, & denique in *commune & singulare*. Jus scriptum
constat expressè aliquâ lege, sive hæc immediatè ab ipso populo,
sive mediatè per plebiscitum, senatus consultum, principum pla-

cita

etiam aut Magistratum edicta fuerit constitutum. Requiritur ad hoc expressus populi consensus. Scriptura est quoddam necessarium adjunctum, a quo denominationem accepit.

15. §. Non scriptum diuturnis moribus, usu atque observatione fuit introductum. Nam diuturni mores consensu utentium approbati legem imitantur. Ad consuetudinem pertinet tacitus populi consensus, de quo si non certè constat, probanda veniunt actuum frequentia & diuturnitas temporis, ex quibus tacitus consensus necessariò sequitur.

16. §. Jus universale à supremo Magistro inferitur. In Romano Imperio est illud, quod Imperator cum statibus imperij in publicis comitiis sancit. Continetur in Recensibus Imperij, atque autem Bulla Caroli Quarti. Particulare unusquisque Magistratus secundum suam jurisdictionem decernit, subditisque proponit. Tale est jus provinciale, utpote Saxonicum, quod in cetera provincià, scilicet Saxonià, observatur. Item jus Municipale & privatum uniuscujusque civitatis.

17. §. Jus commune in omnes cives statuitur. Sic commune jus erat inter Lacedæmios & Athenienses, utriusque partis capitibus pro certis pecuniis redimere. Ad commune jus pertinet, ferè omnia, quæ in libris Jurisperitorum explicantur. Singulare tertio personis fertur. Hujusmodi lex fuit apud Siculos, qui in honorem Marcelli annua sacra celebrabant. Hujus loci sunt omnia Privilegia. Quicquid enim sit in certam personam, est privilegium, olim non nisi in solempni populi conventu concessum. Hujus generis sunt *In Privilegia* Atheniensium, & Romanorum Plebiscita, hoc est particularia quædam decreta, aut leges particulares ad certum tempus latæ: e. g. quando tempore belli aut pestis choreæ, convivia aliique ludi prohibentur.

18. §. Jus Oeconomicum pro triplici personarum respectu triplex est. Paternum, quod inter parentes & liberos colitur: Herile quod inter Dominum & servum: Matrimoniale, quod inter maritum atque uxorem observatur.

19. §. Juris norma est lex, secundum quam omne jus æstimari debet. Hinc vocatur *regula faciendorum & omittendorum, mandans*, quid fieri debeat, & obligans omnes vel ad poenam vel obedientiam.

diuidiam Lex est vel *communis* vel *propria*. Communis, quæ ad omnes pertinet, est vel *inscripta*, vel *prescripta*. Inscripta hominibus est insita. Ex hac oritur ius naturale. Prescripta à superioribus proponitur: ut sunt, Magistratus edicta. Inde ortum trahit ius civile scriptum. Propria pertinet ad certam societatem, & quam quælibet civitas sibi propriam constituit. Ex hac descendit ius privatum.

20. §. Injuria, quæ juri opponitur, dicitur quasi injuria, quod jure & justitiâ careat. Sumitur propriè & impropriè. Impropriè sumitur pro omni, quod non jure fit. Propriè sumta injuria est juris violatio, cum à sciencie & volente alicui in viro damnum præter meritum inferitur.

21. §. Notandum hic, quod non omne injustum statim sit injuriosum nec omne damnum alicui illatum statim injuria. Nam, quoddam injustum aut noxium fit etiam per accidens ex ignorantia, casu, invitè & ex affectu vehementiori. Hoc quamvis sit injustum malum, noxium & perniciosum, tamen nec is, qui hoc facit, propriè injuriam, nec qui damnum patitur, pati propriè, dicitur.

22. §. Hoc ut melius pateat tria malorum & damnorum genera faciemus. Primum ab ignorantia proficiscitur, quando ledens ignorat circumstantias personæ, loci, temporis, modi, instrumenti & finis. Estque vel *infortunium* vel *delictum*. Infortunium, dicitur, ubi præter agentis intentionem sine malitiâ damnum inferitur. Ita Cephælus apud Ovidium uxorem in arbusco latentem telo configit. *Delictum* consultò sine malitiâ committitur. Ita duorum sodalium digladiandi causa sese exercentium alter alteri oculum effodit, vel d glitum amputat.

Hinc sequitur Corollarium;

Delictum atq; infortunium neq; justum neq; injustum reddere eum, qui hac admisit. Nam non ex malitiâ & improbitate agentis proficiscuntur.

23. §. Secundum malorum genus ex animi perturbatione & vehementi aliquo affectu inferitur. Hæc facta dicuntur injusta, non tamen injuria, quia non consultè & cogitatè sunt. Leviora enim sunt.

sunt, quæ repentinò aliquo motu accidunt, quàm ea, quæ præparata inferuntur.

24. §. Tertium malorum genus ex certo animi proposito inferitur, & est cum malitiâ & improbitate agentis conjunctum. Hoc factum propriè dicitur injuriosum, seu iniuria, cujus tres sunt notæ, ut invito inferatur, ut, qui infert, sciens & volens inferat, ut, præter meritum patientis fiat.

25. §. Injuria est vel *aliâ*, vel *verbalis*. Realis manu inferitur. Verbalis sic vitiiis, verbis, literis, & libris in alterius infamiam editis.

QUÆSTIONES.

Quæstio Prima.

Num judicia sint licita?

Theologi ex immotis Scripturæ fundamentis probant. Nos addimus ex sanâ ratione: Quicquid ad Reipub: conservationem maxime utile, summeque necessarium est, absolute ac per se illicitum esse nequit. Judicia civilia &c. E. Profunt enim, ad veritatem patefaciendam, justitiam administrandam, ad defensionem nostri nostro-umque obtinendam, & denique ad externam disciplinam & publicam pacem conservandam,

Quæstio Secunda.

Num satius sit, nocentem absolvere, quàm innocentem condemnare?

Quamvis utrumque malum sit, præstat tamen, nocentem absolvere, quàm innocentem condemnare. In nocente dimittendo tantùm Resp: læditur, nocens nec jure suo privatur, nec injuriâ aliqua afficitur. Verùm ubi innocens condemnatur, & Respublica & innocens patiuntur: Illa, quia hujus non minus interest innocentes absolvi, quàm fontes puniri; hic, quia jure suo privatur, vimque sustinet,

Quæstio Tertia.

Num judex possit aliquem non accusatum damnare, & damnatum absolvere?

1. §. *Summa* est bimembre. Priori satisfacimus, adhibitâ distinctione inter factum capitale & non capitale. Circa factum, quod non est capitale, concernitque tantùm privatum aliquem, judex

neminem, qui non accusatur, damnare potest. Nam 1. est contra naturam, eundem & iudicem atque accusatorem existere. 2. Quia Iudex est iustitiæ interpres. Iustitia autem versatur inter duos, quorum unus est actor alterque reus. Igitur, si actor non probaverit, reus absolvitur.

2. §. Si verò factum capitale toti Reipublicæ fuerit exitiosum, iudex maleficos ad supplicium tradere potest, partim, ut iustitiæ satisfaciatur, partim ut avertatur à Repub. ruina, quæ impunita scelera sequitur. Ita David Amalekitam, nemine accusante, occidit, & Salomo Joabi sanguinem effundit.

3. §. Ad alterum quæsitum membrum respondemus, iudicem, quidem posse lenire poenam pro varietate circumstantiarum, non tamen prorsus tollere, nisi fortè è commodo Reipublicæ fuerit. Aliàs enim Iustitia non facta & recta conservatur, legum auctoritas cadit, Reipub. salus non promovetur, pars læsa non lausitur, neque iudicis conscientia consulitur.

Quæstio Quarta.

Num iudex secundum acta & probata, num
verò secundum conscientiam judicare teneatur?

1. §. Per acta & probata (etiam in alio sensu; quatenus ex falso proficiscuntur testimonio, accipiuntur) intelligimus certissimas veritatis adserctiones & legitimas probationes, à quibus omnis fucus omnique falsitas longissime abest: per conscientiam, certam & exploratam rei scientiam, quæ ex *avtovia* aliisque certis ac infallibilibus mediis iudici de veritate facti & innocentia accusati indubitato constat. His præsuppositis, affirmamus iudicem indistinctè in omnibus controversiis secundum suam conscientiam judicare debere.

2. §. Theologi probant à divino interdicto: *In iudicio non acquiesces plurimorum sententia, ut à vero devies*, Exod. 23. v. 2: Judicans secundum acta & probata quia morti adjudicat eum, quem in conscientia novit esse innocentem, utique à vero deviat. Nam
acta.

acta & probata veritati possunt contrariari, cumq; sententiâ judicis pugnare.

3. §. Nos hoc affirmamus: 1. ab officio judicis, qui debet esse vir pius ac bonus, in cujus corde regnet Dei timor. Perpendat, se habere superiorem judicem, cui aliquando dispensationis hujus ratio est reddenda. Ergò non dicta, sed causam consideret oportet. Sequitur hinc, judicem non teneri contra veritatem, sibi certò compertam aliquid statuere, multò minùs scienter nocentem absolviere atque innocentem damnare, sed majorem rationem habere conscientiz, quàm testium.

4. §. II. A manifestâ iniquitate. Iniquum est innocentem condemnare, & nocentem absolviere. Nam omnis debita pœna præsupponit debitam culpam, quia sunt relata, flagitium & supplicium, illud habet rationem causæ, hocque effectûs. Ergò ubi non præcedit vera culpa, ibi pœna infligi neque potest neque debet. In homine secundum acta & probata vulgò sic dicta damnato non præcedit. E.

5. §. III. A fine probationum, quæ in judicio ob id instituuntur, ut judex de veritate rectè informetur. / Inde probationes dicuntur arbitrariæ, atque ab officio judicis dependere. Igitur si probationes non correspondent certæ judicis sententiæ, non eas sequetur, quia sic non informaretur, sed corrumperetur. Ad hæc non adversario, sed judici probandum est. Ergò quando judici constat, rem aliter sese habere, quàm per testes fuit probatum, secundum veritatem sententiam ferat.

6. §. IV. A jure naturali. Ut enim jus legale requirit, ut secundum acta judicetur, ita naturale requirit, ut secundum ipsius veritatem judicetur. Illud huic cedit, quia justum naturale prævalet justo legali. E. judex innocentem damnans contra naturæ jus facit. Plures cautelas in Meisnero, Hornejo & Stebenshal invenies.

Quæstio Quinta.

An jus Oeconomicum sit jus propriè dictum
& diversum à jure politico?

1. §. Jus Oeconomicum est jus ob similitudinem, quam habet

eum jure politico. Nam quia domus est, quasi parva quædam civitas, & civitas, quasi magna quædam domus, in utrâque gubernatione multa sunt communia & civilia: Ex domesticâ societate pederentim, amplificatis familiis, nata est civilis societas. Primò existit domus pluresque familiæ, donec ex pluribus domibus constitutus pagus, tandemque ex multis pagis constituta fuit civitas.

2. §. Est jus non simpliciter, quia in jure Oeconomico injuria simpliciter locum non habet. Nam injuria non est erga alienos, cum nemo dicatur propriè sibi vel suis injuriam facere. Domestici autem non sunt alieni, sed nostri quasi pars. Liberi enim sunt pars parentum, ex quibus progeniti. Hinc pater & filius dicuntur eandem sustinere personam. Ita servi sunt pars de bonis & possessionibus suorum dominorum. Ita & conjuges non sunt diversi, sed una caro. Ergò neque parentes libris, neque domini servis, neque conjuges sibi mutuò dicuntur propriè facere injuriam.

3. §. Deinde domestici non sunt æqualiter iisdem legibus obstricti, neque inter se æquales quoad vicissitudinem imperandi & parendi. Ita pater non est illis legibus subiectus, quibus filius. Hoc enim foret iniquum, cum hoc modo patrum tolleretur auctoritas & potestas. Ita Domini & servi, mariti atque uxoris leges sunt diversæ ob diversa in re familiari munera.

4. §. Ex his colligimus, jus Oeconomicum non esse simpliciter jus. Nam ubi locum obinet jus simpliciter, ibi etiam injuria, quia, dato uno contrario, datur etiam alterum. Porro inter quas personas non est lex, quæ æqualiter omnes obliget, inter eos quoque non est jus, quod simpliciter jus dicitur. In jure autem Oeconomico injuria simpliciter locum non habet, neque inter domesticos sunt ejusmodi leges. Et neque inter domesticos est illud jus, quod simpliciter jus dicitur.

Quæstio Sexta.

Num jus naturale cadat etiam
in bruta?

Negamus, Nam 1. jus naturale est rectæ rationis decretum.

tum. Bruta autem quia rationis sunt expertia, ideo in illa jus naturale nullo modo cadit. 2. Bruta non dicuntur facere injuriam, sed pauperiem. Et neque jus ad illa pertinet, quia, cui unum contrarium non competit, ei nec alterum potest competere.

Quaestio Septima.

Num jus naturale sit immutabile?

Jus naturale per se & ratione communium principiorum, semper est immutabile, sed per accidens, quatenus ad singularem actiones applicatur, mutatur & variatur. Hæc tamen mutatio non est vera, sed apparens, quia non jus ipsum, sed juris applicatio & actionum circumstantiæ mutantur.

Quaestio Octava.

Num volenti possit fieri injuria?

Negamus. Injuria enim definitur voluntaria & malitiosa læsio alicujus contra legem & patientis voluntatem facta. E. nemo volens injuriam patitur. Injuria est malum quid. Nemo autem sponte vult id, quod scit esse malum, cum omnes naturam inclinent ad hoc, ut sui conservationem quærant. Facere injuriam & pati injuriam, sunt contraria, & habent contraria attributa. Ergo quia facere injuriam est quoddam voluntarium, pati erit aliquid involuntarium. Ergo nemo volens patitur injuriam. E. neque volenti fit injuria.

Quaestio Nona.

Num aliquis sibiipsi injuriam inferre possit?

1. §. Negamus. Fundamentum negandi præcedens quaestio suggerit. Qui non potest sponte pati injuriam, ille etiam semetipsum non potest injuriæ afficere. Hæc enim passio & actio quia ab eodem proficiuntur principio, necesse est, ut etiam eodem modo sese habeant. Nemo potest sponte pati injuriam. E.

2. §. Alterum subministrat injustitia, quæ est vitium. *hoc est* hoc est, cujus actio ad alium dirigitur. Jam autem quia ne-

mo à semetipso est diversus, nemo etiam in semetipsum potest esse iniustus aut injurius.

3. §. Tertium desumitur ab opposito. Si aliquis semetipsum injuriā afficere potest, necesse est, ut illud faciat secundum certam injuriæ speciem, per quam alterum lædit. Omnis enim injuria est conjuncta cum alterius læsionē, tam quoad bona externa, quàm quoad famam atque existimationem. Sed hoc nemo præstat, hoc est, nemo potest sibiipsi sua furari, aut seipsum decipere, aut infamare. Ergo neque seipsum injuriā afficere.

Questio Decima.

Num omnis, qui injustum factum patitur, rectè dicatur injuriam pati?

1. §. Injusta pati & injuriam pati differunt, ut latius & angustius. Omnis, qui injuriam patitur, injustam rem patitur, non verò contrā omnis, qui injustum aliquid patitur, statim etiam injuriam patitur. Nam ut non omnis, qui agit justa, etiam justè agit, ut superiora ad amussim ostendebant, ita etiam non omnis, qui agit injusta, agit etiam injustè, adeoque neque injuriam dicitur facere. Ut sese res habet in actione, ita & in passionē. Itaque ut aliquis potest agere ea, quæ sunt justa, qui tamen non dicitur agere justè, ita potest aliquis aliquid pati, quod est injustum, qui tamen non patitur injuriam.

2. §. Ut aliquis propriè dicatur injuriam pati, venit observandus animus & facientis & patientis injuriam. Hæc enim sunt relativa, facere & pati injuriam, quorum neutrum sine altero rectè potest consistere & considerari. Ob id non potest passio dici injuriosa, nisi etiam præcedat actio injuriosa. Nam si agens (veluti si quis alterum ex ignorantia percutiat) non facit injustam rem animo injuriante, neque patiens propriè dicitur injuriam esse passus, quamvis rem injustam fuerit passus. Idem de animo patientis rem injustam statuendum est. Nam ubi volens patitur, sibi fieri id, quod est injustum, is non dicitur pati injuriam.

3. §. Ex his evadit manifestum, quòd in passionibus aliud sit
rem

rem injustam pati, & aliud injuriam pati, quia in actionibus aliud est; rem injustam facere, & aliud injuriam facere. Et ut actio injuriosa debet esse conjuncta cum agentis voluntate, ita vi oppositorum sequitur, injuriosam passionem debere repugnare patientis voluntati.

Questio Undecima.

Utrum justus æquè possit alteri injuriam facere, sicut injustus?

Negamus: Aliud est *ἀδικεῖν*, aliud *ἀδικησάμενος*, hoc est aliud est injuriam facere, aliud facere ea, quæ sunt injusta. Injuriam facit is, qui, datâ operâ, damnum inferi. Ita vir justus neminem injuriâ afficit, cum ob justum habitum non possit aliter, quàm juste facere. Agere quæ sunt injusta quandoque committuntur à justo, non de industria, sed aut per ignorantiam, aut per casum, aliquem fortuitum aut violentiam. Actiones hæ quàmvis injustæ, non tamen injuriosæ pronuntiantur ob *μεγαλειότης* defectum.

Questio Duodecima.

Utrum deterius sit injuriam facere, quàm pati?

Prius affirmatur. Facere & pati injuriam quavis sint virtutis extrema, non tamen utrumquæ, ut reliqua reliquarum virtutum extrema, cum vitio conjunctum est. Nam facere injuriam quia ex odio, livore & cupiditate oritur, vitio non caret: contrâ pati quia patientiam & lenitatem præsupponit, vitio destituitur. Inde liquet melius esse pati injuriam, quàm inferre.

MEMBRI SECUNDI

*Præcepta
de*

ÆQUITATE.

1. Æquitas est correctio legis sive juris scripti eâ parte, quâ lex deficit ob suam generalitatem.

2. Ejus:

2. Ejus extrema sunt duo in excessu, Summum jus & malitiosa juris interpretatio: in defectu jus nimium indulgens.

Explicationes.

1. §. Dicta videtur æquitas, quasi aquitas, quod instar aquæ fluentis omnia in planum æquet. Hujus Synonymum est bonitas: item æquum & bonum, quia æquitas viri boni, qui amans est æquitatis, judicium & arbitrium sequitur.

2. §. Notabis 1. æquitatem dici tantum correctionem, non, verò legis abolitionem. Alias enim non esset bona & laudabilis, sed cum lege planè pugnaret. 2. Æquitatem non universi juris, sed tantum legitimi & scripti esse correctionem. Nam æquitas jus naturæ ob summam protectionem corrigere nequit. 3. Æquitatem non corrigere totam legem, sed tantum in eâ parte, in quâ deficit. 4. Per defectum non intelligi vitium, sed dici deficere, quatenus generaliter tantum sancit, nec in specie ob circumstantiarum varietatem quicquam constituit.

3. §. Defectum hunc vocant *ἐλλείμμα* verbo *ἐλλείπω*, omitto, quia videtur aliquid esse omissum: item *ἀμάρτυμα*, erratum seu peccatum, quia legislator in scribendâ lege videtur peccasse, dum nihil de hoc vel illo singulari causâ determinavit.

4. §. Hinc sequuntur duo Corollaria:

1. Hunc defectum non esse in lege, neq; in legislatore, sed in rerum materia. Non enim omnia ob circumstantiarum varietatem à legumlatore prævideri, aut in verbis legum comprehendi potuerunt.

2. Hunc defectum corrigi, adhibita legitimâ interpretatione & circumspcctâ applicatione, ita ut, quæ generaliter dicta, ad casus speciales prudenter accommodentur. Hinc audit *ἀναπλήρωμα*, supplementum, æquitas, quæ ob casum aliquem singularem in lege non definitum, in locum scripti juris succedit, defectum corrigit examinatis omnibus unius facti circumstantiis, consideratâ diligenter legislatoris mente & voluntate, excusâ legis sententiâ, & quæ ad speciale factum prudenter accommodatâ, ita, quemadmodum legis-

legislator, si praesens adhuc esset, casum praevideret, pronunciaret, factumque determinaret.

§. 5. Aequitas à jure differt tribus modis. Aequitas jure videtur melior. Hujus enim asperitatem pro circumstantiarum varietate mitigat, & rigorem corrigit. Aequitas non continetur scripto & verbis, sed ex boni viri arbitrio dependet. Hinc sequitur Corollarium: *Divisionem inter aequitatem scriptam & non scriptam esse falsam.* Aequitas non continet universalis praecipua, sed circumstantias & casus singulares.

6. §. In excessu aequitati opponitur summum ius, & callida juri explicatio. Jus strictum est, quando verba legis simpliciter urgentur, & nulla planè benigna verborum interpretatio admittitur, nec legislatoria voluntas spectatur. Hoc secundum Terentium saepe summam injuria est. Alterum videlicet callida interpretatio fraudandi gratià instituitur. Hinc dicitur calumnia, quando verba legis in deterius in partem torquentur, atque aliter accipiuntur, quam à legislatore fuerint intellecta. Ita sese habent excessus, quibus detectus nimia juris indulgentia addi potest.


QUAESTIONES.

Quaestio Prima.

Num summum jus sit summa injuria?

1. §. Distinguiamus inter jus verum & adulterinum. Summum jus verum est, quod cum verbis & intentione legis rectè condita exacte congruit. Adulterinum, quod cum verbis quidem legis, sed non cum mente ejus congruit. Utrumque tritarjiam consideratur, ratione constitutionis, executionis, & interpretationis. Quaestio affirmatur non de vero, sed adulterino jure. Nam quis non intelligit, quamlibet legem faciliè informari ac convelli posse, si verbis tantum inhaerendum sit, relicto vero sensu, ratione, auctoritate, & consilio eorum, qui leges scripserunt?

2. §. Atque sic summum jus summa injuria, respectu consti-



rationis, executionis atque interpretationis. Ratione constitutionis, quia non factum est secundum legem divinam & naturalem. Ratione executionis, cum sine dispensatione, quam tamen legislator pro gravem circumstantiam admitteret, ne idem secundum verba, non attentis circumstantiis procedimus. Tandem ratione interpretationis, si ad legem accedat malitiosa iudicis interpretatio.

Questio Secunda.

Num liceat cuivis aliquid de suo jure remittere?

Affirmamus. Nam remittere aliquid de suo jure, neque cum iustitia, neque cum honestate pugnat, sed ad proximi, cui pro viribus suppet, & ferenda commodum facit. Argumentum est singulare humanitatis, mansuetudinis, liberalitatis, misericordiae atque aequitatis, nemini facere injuriam neque sibi in seipso neque alii. Non sibi cum sponte hoc faciat. Omnis autem injuria fit contra voluntatem illius, cui infertur. Non alicui, quia ad hunc non spectat.

Questio Tertia.

Num aequitas sit eadem cum iustitia?

Quamvis adsit magna inter hæc conjunctio, differunt tamen. Virum enim iustum & æquum non pari modo laudamus: illum minus, hunc magis, quia vir æquus de suo jure non nihil cedit, iustus dum strictè suum jus urget, durus atque iniustus, respectu viri boni & æqui esse videtur. Jam si iustitia eadem esset cum æquitate, utique sequeretur, utrique par eoco iustum esse attribuendum. Possius, ut audimus, non est. E. neque prius.

Questio Quarta.

Num aequitas in jure naturali & divino adhiberi queat?

Nequaquam. Nam in jure divino & naturali nullus planè datur defectus, nullusque rigor, cum utrumque in mente dicitur à Deo, quicquid præcepit plenarie & perfectè præcepit, originem trahat. Et æquitas in jure naturali & divino non invenitur locum. Hinc patet, quid statuendum de divisione, æquitatem esse vel naturalem vel civilem.